

خزینة ملتی سیونیتلرک چهره زنی ایتمه کزی ، استقراضلرکیزی واسرائلرکیزی بر « ظفر » عد ایتسین وصوکراده یونکله معزور اولسون ؟
والله العظم ، جاوید بک ، سز پک یابانجیسی بولوندیغکز عثمانلی ررحنه وبالخاصه تورکقلبنه پک زیاده بیکانه سکیز ! خایر . هیچ برعثمانلی ، بو دوت سنه یی بر دور ظفر صایماز ، هیچ بر صمیمی اتحادجی سزک خطالریکیز ، قباحتلرکیزله مغرور اولمق کبی امشالسز بر غرابی کوسترمن . طوتالم که حالا اتحادجیلر ایچنده ، قرفه غیریله هنوز حقیقی کورمه مش برفئه قلیله ده وار . لکن امین اولکیزکه نورحق ، اولرکده ، چوق کچمیه جک ، کوزینه وقلبنه دولاجق در . صانیرم که سزی ده تیره دن بودر .

« اتحاد وترقی اولیه جکدر ، اونک الک اولو ظن ایدلریکی زمانلرک زنده زمانلریدر ، الکفعال زمانلریدر . » اتحاد وترقی اولیه جکدر . بوکا شبه ایتمه مک ایستهرز . واقعا اتحاد وترقی ینه ذات عالیکیزک دست مهارتکیزده قالیسه ، کندی کندینه اتخار ایتش اولاجنی وارد خاطر اولور . لکن سز که اتحاد وترقی آراسنده بر مناسبت وار ظن ایدن وطنداشلرک انتباهه یوز طویدیغی کوریوروز . وکندی جمعیتلرینک زمام اداره سنی تکرار سیونیست جمعیت خفیه سنک الینه تسلیم ایتیه جکنی ده ظن ایدیوروز . لکن اتحاد وترقی نک فعالیت وزندکیسی ذات عالیکیزک سیونیست سیاستنک افوانه مانع اولمایه جنی کبی بلکده بو صرصر افول ، اتحاد وترقی دن نه سه جکدر .

ایواه شو زواللی کله یه ! ایواه شومقدس لفظ بیجله ! ایواه اتحاد وترقی به !
باشقا بر معناده مراد ایتکه برابر ، بو عزیزلرک یی بیک کره تفوه ایتدیگکیزی ایشیدن متفکر حیرت زده ، صانکه ابلیسی ، یکی برتهور نا کرانه ایله ، رحمانی یالاندن تسبیحه قالدیشمش صانیور ! ملت مجامسی کرسیسندن ، قوباردیغکز اوایلای تحقیرات ، هدف بولامایه رقی ینه سزه رجعت ایده جکدر . بر مقصد سیاسی و حقوقی متضمن اولمق هوسنی کوسترمن دیگر مسروداتکیزده دخی ادنی قیمت ، ذره قدر صدق وسلامت بولماق . معناسز که صرفدن باطلی حق کوسترمه غیرتندن عبارت اولان فصاحتیه ، بز ، پارلاق برشارلاتانلق نامنی ویرمکه معذوروز . امین اولکیزکه آرتق بو ملت ، ایستر اتحادجی ، ایستر اشتلاخی ، ایستری طرف ، ایستر مسلم ، ایستر غیر مسلم اولسون ، سزه قائماهیج ، سزه آلدانمایه جقدر . صوک خطابه کیزله یالکیز برشی اثبات ایتدیگیز : بوملنک حریم عصمتنده هتا کار ایچون یوقلدیغی آرتق سزک آ کلا دیغکیزی .

اوز ده میر

اجتماعی وفلسفی بر ، سیاسی دکلدز . بوده سر محررمنک ، وهیثمزک ، الک کنیش بر لیرالیزم ایله متحس اولاسی وبونی آثار ایله تأیید ایتیه سی ایله ثابتدر . شو بیاناتی ترجمه ونشر ایتهلرینی فائسزجه ، روسجه ، ارمنیجه وبولغارجه رفقامنزدن رجا ایده رز .
عالم اسلامه جور واذا ، اسلامیه افترا ایدلریکی وقت نعره اعتراض وانقادمنی حریم انسانیتیه وعالم مدینیه رفع ایتدک ، بو ، کسه مک بز چوق کورمه جکی برحقدر . برسویالیت « وینه دو قون » چوق کورولم بن شو حق ، البته متفکرین اسلامیه چوق کورولمز .

شون محمد

مجلس وکلا

دونکی مجلس وکلاده مأمورینک فرقه لره سیاسی قلوبلره دوام وفرقه ایشلریله اشتغال ایتیه رک وظیفه مودوعملرینی بی طرفانه ایفا ایلهلرینه وصورت عزل ونصلریله ترفع وترقیلرینه دائر مذاکرات اجرا ومقررات اتخاذ اولونمشدر .

روم ایلی ، طرابلس غرب وبنغازیدن کلن تلغرافاملر مطالعه وجبل لبنان حقهده کی تدقیقاته دوام ایدلشدر . سلطان احمد حریقنده مصاب اولان مأمورینه بر معاش ایچون ، اجرا ایدلمکده اولان توقیفاتک رمضان وبایرامده ویریه رک قطع اولنماسی قرار کیر اولمشدر .

عقبه شاهانه یه تلغراف

حضور معالیفور جناب تاجدار اعظمی به هیئت جدید وکلانک ملک شاهانه لرینک الک بحرانی بر زماننده اعتماد عمومی به مظهر وکیامت ورویتری عموم مسالم اجله رجال

قطعی اخطار

« حکمت » ک مسالکی حقنه داخل وخارجده یاکلش تقلیل حاصل اولدیغی آ کلابوروز بز هیچ بروقت اور وپالیرک بحق تمناشی ایتدیکی معناده وقرون وسطی قفاری ایله بعض انتزیه جی ومختصر بیانجیلرک آرزو ایتدکلری شکلده بر « اتحاد اسلام » مسلکی تعقیب ایتدک بویه ساخته بر مسلکی شرقت الک مدهش دشمنی اولان سیونیزم جمعیتی ایجاد ایتدی . بزبوشکده بر مسلکی هیچ بروقت قبول ایتدک . وفضله اولارق عالم اسلامک بیوده یه نه زیله سنی موجب اولاجق بویه بر طرز تفکرک علینده بولوندق . اثباته مقتدرز که بویه دوشونلری بر قاج کون ظرفنده کشف وایچمزدن طرد ایتدک . بز بوتون آرزومن ، امت اسلامیه یی متمدن ومتنور کورمک ، دین جلیلمزک اساسات عالی سنی بر طاقم ضمیات وبی سود عنعناتدن قورتارمق ، مسلمانلر آراسنده اخوت ومودنی ، خرفت وصنعتی ، حکمت ومعرفتی تعمیم ایله مکدر . بویه بر ساحه علم واجتماعیاده مسلمانلرک توحید امل ایتمه لری ، عالم مدینت ایچون بر نعمت وآسایش جهان بویوک بر خدمتدر .

جهل وتمصله مناسبتیز یوقدر ، صمیمی مسلمانر وصمیمی بر صورتله مسلماننک تعالی وترقیسنی ، مدینتک ، اولجه اولدیغی کبی ، ینه بللی باشلی ارکان فعاله سندن بری اولماسنی تمی ایده رز . غیر مسلم ووطنداشلر مزه دست اخوت وانسانیتی صمیمیتله اوزاتمشلردن واونلرک حقوقی کندی حقوقز کبی محترم ومصون بیانلردنر . اونلر وطن قارداشلر مزدر . « حکمت » دکلی ایدنی که انقلاب مزده الک اول « کونوا عباد الله اخوانا » زمزمه بیجله سیله مودت کویای اشتلاف اولدی . مسلک خاصمز ، صرف

دولت علیه لرندن تشکیله شرفصادر اولان اراده شهریارلر ندن طولانی تشکرات بی نهایت عبودیتکده رانه منی عرض وتقذیم ایدر وصرف مخالف قانون وجبر وشدت نتیجه سی اولمق اوزره انتخاب ایدلش اولدیغنه امین بولندیغمز مجلس مبعوثان حاضره قطعاً اعتمادیمز بولندیغی وهرحالده ملنک مثلی اولدیغنه قناعت مله من موجود اولدیغی جهتله مجلس مذکورک بر آن اول فسغی اسبابنک استکمالنه وبو صورتله بیوک بر نقصانی مشروطیتک ازاله سیله حق وعدلک یکیدن تظاهرینه اراده خباب اب مشفق اعظمیلرینک ارزان بیورلسنی استرحام ایلرز فرمان .

یکجه مقیسی ، روم متره بولید وکیلی ، غازی اوره نوس بک اخفادندن شریف امین بک وبالعوم اشراف وتجاران واسلام وخرستیان اهالی دن مرکب یوز بش امضای حاوی عتبیه علیابه کشیده فلنوب ، مطبعه مزه تودیع قلنان تلغراف صورتی در .

عقبه فلیکمر تبیه حضرت خلافتیناهی یه

عرض وتقذیم قلنمق اوزره مجلس

وکلا هیئت محترمه سی جانب

عالیسنه

بروسه اهالیسی نامه اوله رق اتحاد لطفده یدهلرندن بادیه رئیس وکیلی ایله همپالری طرفندن چکلش بر تلغرافنامه صورتی ظنینده کوردک . بو کون مملکت مزده فرقه مذ کوره سالکینی شر ذمه قلیله دن عبارت ، ظلمدیدکان ایسه بیکارجه افراده بالغ اولبور . بو سبیدن تمیل ایتدیگی بر خلق نامنه اداره کلام ایدن بلدییه رئیسینک بیاناتی شدتله پروتستو ایدر واونک اکثریت ملییه قارشی مجاهده نامی ویردیگی مجادله قولیه عرضکارانه سنی کال اسفله رد ایلرز . بو غریب تضاقویانه مجاهده لرینه سیه منی سپر ایتکه برابر انتخابات سابقنک حکومتک جبر وتضییقه اجرادن عبارت اولدیغی وهیئت حاضره مبعوثانک غیر مشروع وساطله تعیین ایتدیرلریکی ، یوز بیک کشی ، اللرمزده صداقت بایراقلری اولدیغی حالده هر زمان اثباته حاضرز . صدق ویا کذب مستدعامنی تمین ایچون سیریم بر تحقیق مأمور . رینک اعزامنی طلب وسبیلری حقنه تعقیبات قانونیه اجراسنی استرحام ایلرز افندم .

کذا: حاجیلر محله سندن بروسه ولایتی منسوب ومحب قاضی زاده
۱. عزیز نوری مانسم محله سندن عسکری قائم مقاملندن متقاعد احمد حمدی

طفلا نه تصورلردن

سالنیکه عزیمت ایدن ارکان معلومه اتحادک حکومتی سالنیکده ومجلس مبعوثانی ده مناسترده تشکیل ایده جکلرینه دائر دوران ایدن شایعه یی یازان آمرولیتوس غزیه سی بو کبی تصوراتک پک طفلا نه اولدیغی وحکومتک هر وقت وهی رده بو کبی حرکات عصیانیه یی تشکیله مقتدر بولندیغی واساساً هیچ بر محیطده افکار عمومیه نک اتحاد وترقی ارکانه مساعد بولندیغی مطالعه سنی علاوه ایدیور .

حکمت

بو کبی شایعانک محائف مطبوعانه عکس

ایتمکه بیه دکری یوقدر . بز بونی اقتباس دن مقصدمن ، بو ملل شوایعانک سیاستلرک خوف کللی یه اوغرامش اولان شرکت انحصاریه نک کندیلرینه بر اهمیت ویردیرمک اوزره اشاعه ایتمکه اولدیغی اخطاردن عبارتدر .

اتحاد وترقی انتخاباته نه ایچون

اشترک ایتیه جک ؟

حریت و اشتلاف فرقه سنه منسوب رجال سیاسیهدن برذاتک ننا باطریس غزیه سنه واقع اولان بیاناتنه نظر اتحاد وترقی جمعیتک انتخابات مستقبله یه اشتراک ایتمه کی تصور ایتسی انتخابات مذکورده هزیمت قطعیه یه دوچار اوله جغی کشف وتخمین ایده بیلیدیگندندر . جمعیت ، عالم نظرنده ، سقوطنک دهشتلی درجه سنی کوسترمه مک ایسته یور .

روس سفیرینک تأییناتی

روسیه سفیری خارجه ناظری نورادونکیان اقدی یی زیارت ایتدیگی زمان روسیه حکومتک بالقان استاتوقوسنک خللدار اوله سنی تجویز ایتیه جکنی ناظر مشار البیه تأمین ایلشدر .

تهدید مکتوبلری

قارشی غزیه لر دن برینک قید اختیاط ایله یازدیغی بر روایت کوره صدر اعظم وشورای دولت رئیس باشلار تهدید مکتوبلری کوندلشدر .

جائر کورولمه مش

طرق عمومیه یه تجاوز وخصوصی مبان حصوله کتیرلسی قانوناً ممنوعان بولندیغی جهتله روم ایلی قواغنده طاش اوجاقلری ساخنده حسنی بکک استدعا ایتدیگی ده قوویل خطنه مساعده ایدله مسی شهر امانتجه تحت قراره آکمشدر .

داخلیه نظارتنک یوم وساعت قبولی

داخلیه نظارت جلیله سنجه صالی کونلری بعدالظهر زوالی ساعت بردن درته قدر اولان زمان ، مأمورینک قبولنه تعیین وتخصیص ایدلش اولدیغندن مراجعاتک زمان قبوله حصری ایجاب ایده جکی اعلان اولنور .

انتخابه دائر

حریق وطغیان میاه وزلزله کبی آفات طولانی سیله خانیه سی محترق ومنهدم اولمقندن ناشی موقتاً دیگر محله نفل مکان ایدن کیمسه نک بلدییه انتخاباتنده شرائط سائرینی حائر اولدیغی تقدیرده تمکن قیدندن بالاستنا محترق ومنهدم اماکنک بولندیغی محله تاریخ حادثه دن اعتباراً اوچ سنه یه قدر منتخب ومنخب اوله بیله جکنه دائر تبلیغ بیوریلان ماده منفرده قانونیه وجهله ایفی معامله اولنسی شهر امانتندن بالعوم دواثره تعمیماً تبلیغ قلنمشدر .

اراضی موقوفه

دون مالیه نظارتنده مشاور سابق مصطفی اقدینک تحت ریاستنده اراضی موقوفه قومیسونی اجتماع ایده رک بعض مسائل حقنه مذاکراتده بولنشلردر .

بحریه ضابطانک ترفیعی

بحریه نظارتنده دفتری بالتظیم عرض عقبه علیا قلنان ترفیع دفتری اراده سنیه یه اقتران ایده رک مقام صدارته کوندلشدر .